



Universitätsbibliothek Paderborn

**Theologia Moralis Universa, Complectens Omnia Morum
Præcepta, Et Principia Decisionis Omnium Conscientiæ
Casuum, Suis Quæque Momentis Stabilita**

Ad usum Parochorum, & Confessariorum

Continens Tractatus De Obligationibus Specialibus Certorum Statuum, De
Sacramentis In Genere, Et In Specie, Et De Censuris Et Irregularitatibus

Antoine, Paul-Gabriel

Ingolstadii, MDXXXIV.

VD18 90392167

Q. 5. An licet extra Confessionem uti notitiâ per Confessionem acquisitâ?

urn:nbn:de:hbz:466:1-41032

terdos ad bene curandum Pœnitentem debet considerare etiam peccata præterita, quæ indicant passionem vehementem, vel consuetudinem, vel aliquid aliud consideratione dignum, ad melius cognoscendum statum Pœnitentis: idque pertinet ad officium Judicis ac Medici, quod tunc exercet. Et tunc agit ut Dei Vicarius; ac proinde potest uti notitiâ, quam ut talis habet.

Quòd si Pœnitens extra Tribunal facultatem loquendi de re necessaria ad Confessionem pertinente deneget Confessario, juxta multos non licet eum monere: nam tunc Confessor reverâ loqueretur extra Confessionem, cum judicium jam moraliter finitum sit: at est Regula generalis quòd Confessor de Confessione sine licentia Pœnitentis loqui non potest extra Confessionem. Et verò si sigillum non obligaret ad non loquendum cum Pœnitente in eo casu, non esset necessitas petendi licentiam; nam licentia Pœnitentis non requiritur nisi proper Sigillum, quam tamen necessitatem petitionis nemo negat. Quare licentia negatâ tacere debet Confessor, & jam satisficit suo muneri.

Q. 5. An licet extra Confessionem uti notitiâ per Confessionem acquisitâ?

Resp. I. Licet uti cum licentia expressa Pœnitentis sponte ab ipso in ipsius vel alterius utilitatem data: quia ratio Sigilli est ne Confessio reddatur odiosa: at tunc non potest in-

de.

de Confessio reddi odiosa, cum quisque sciat suam sibi relinqu libertatem concedendi vel negandi licentiam, & eam pro arbitrio limitandi. Et tunc Pœnitens ponit conditionem, quâ positâ præceptum divinum non obligat: nam solùm erat præceptum non revelandi nec utendi notitiâ illâ sine licentia expressa Pœnitentis. Tenetur autem Pœnitens permettere usum istius notitiæ, quoties necessarius est ad bonum commune, ad tollendam occasionem peccati, ad avertendum grave damnum spirituale vel temporale alicujus privati, & ad alia, quæ justitia, vel charitas exigit: alioqui absolutione indignus est.

Resp. II. Nunquam licet sine expressa licentia uti tali notitiâ cum quâvis directa aut indirecta revelatione cognitorum in Confessione, & ex quâ oriri possit suspicio usûs talis notitiæ: quia quælibet revelatio etiam indirecta sine expressa venia Pœnitentis est violatio secreti Confessionis, & reddit Confessionem odiosam & onerosam.

Resp. III. Neque licet, sine expressa licentiâ, uti tali notitia, cum qualicunque Pœnitentis gravamine etiam temporali, etsi aliquende non injusto, & seclusa quacunque revelatione, quamvis multò majus gravamen ejusdem Pœnitentis ex non usu sequeretur. *Prob. I.* ex decreto à S. Congregatione generalis inquisitionis auctoritate Innoc. XI. edito, & Romæ affixo an. 1682. quo prohibetur hæc proposicio, & ejus praxis, *Scientia ex Confessione acquisita*

quisitâ uti licet, modo fiat sine directâ aut indirecta revelatione, & gravamine Pœnitentis; nisi aliud multo gravius ex non usu sequatur, in cùjus comparatione prius meritò contemnatur. Additâ deinde explicatione sive limitatione, quod sit intelligenda de usu scientiæ ex Confessione acquisitæ cum gravamine Pœnitentis, seclusâ quacumque revelatione, atque in casu, quo multo gravius gravamen ejusdem Pœnitentis ex non usu sequeretur. Hanc dictam propositionem, quatenus admittit usum dictæ scientiæ cum gravamine Pœnitentis, etiam cum dicta explicatione sive limitatione presenti decreto prohibent, &c. 2. Clemens VIII. & Urban. VIII. prohibuerunt Regularibus, ne hac notitia utantur ad exteriorem gubernationem.

3. Quia ille omnis usus notitiæ per Confessionem partæ illicitus est, qui si cognosceretur à Pœnitente esse licitus, redderet illi Confessionem odiosam; nam talis usus à Sacramento avertit, & Christus vetuit, ne unquam reddeatur odiosum. At si Pœnitentes scirent licere Confessario, ipsis non advertentibus uti notitiâ Confessionis ad aliquid ipsis grave ac molestum, redderetur illis Confessio odiosa, & semper id timerent. Etverò si non licet uti notitia cum gravamine aliquo Pœnitentis advertentis talem usum: nec etiam licet, quamvis id non advertat; si enim antecedenter Pœnitens sciret posse Confessorem uti occultè illâ notitiâ contra Pœnitentem, hic avocaretur non minus, sed potius magis à Confessione peccati, quam si sciret eum posse tale quid facere

Tom. III.

H h

cere

cerc advertente ipso Pœnitente: nam magis
lædunt illa quorum causam ignoramus, quam
illa quorum causas scimus, quibus facilius pos-
sumus adhibere remedium per causam con-
trariam, ut notat De Lugo.

Nec obstat quod tunc nulla esset revelatio
Confessionis: quia Sigillum obligat Confes-
sorem non solum ad non revelandum pecca-
tum Pœnitentis, sed etiam ad vitandum id
omne extra Confessionem, quod eam redde-
ret odiosam & difficilem Pœnitentibus, & ad
continendam taliter notitiam illam, ut nun-
quam possit adhiberi contra ipsum Pœniten-
tem expressè non consentientem. Sic peccat
contra Sigillum, quicum Pœnitente loquitur
de peccato ejus, licet nihil prorsus revelet.
Ratio enim & obligatio Sigilli est, ne Confes-
sio difficilior, gravior ac molestior reddatur,
& sic odiosa fiat, & homines ab ea deterrean-
tur. Unde scientia ex Confessione parta per-
inde se habet ac si non esset, in ordine ad om-
nem usum, qui Confessionem difficiliorem
seu molestiorem redderet.

Hinc non licet Confessario Pœnitentem se-
cretò punire, malè habere, &c. Item Ritu-
le Tullense monet, ne Parochus denegetur
stimonium bonæ vitæ & probitatis ei, cujus
vita exterius est rectè instituta, sed quem ex
Confessione scit esse improbum; vel Benedi-
ctionem nuptialem iis, quos ex sola Confel-
sione scit contraxisse impedimentum dirimens

ob

crimen; ne moneat parentes ut diligenter in-
vigilent filiæ, cuius libidinem ex sola Confes-
sione novit; ne amoveat Vicarium, Ludi-Ma-
gistrum, &c. à suo munere ob crimina ex sola
Confessione nota.

Resp. IV. Ex communi licitus est usus noti-
tiæ ex Confessione acquisitæ, qui fit sine ullo
Pœnitentis gravamine, & sine qualicumque
revelatione tum directatum indirecta cogni-
torum in Confessione, nec possit reddere
Confessionem difficultorem & odiosam: quia
Christus solum illum usum prohibuit, qui
redderet Confessionem magis onerosam ac
difficilem Pœnitenti, & ab illa fideles averte-
ret, cum obligatio Sigilli à Christo imposta
sit, ne Confessio redderetur magis gravis ac
molesta Pœnitentibus, quam per se sit.

Hinc licet Confessario sæpius orare pro Pœ-
nitente, consulere libros, imò & Doctores su-
per peccatis in Confessione auditis, emendare
suam negligentiam, vel nimiam severitatem,
quam ex Confessione intelligit aliis nocere,
&c. modò non detur occasio suspicandi Pœ-
nitentem vel alios. Item licet fugere locum,
ubi insidias sibi parari, & abstinere à Sacrificio
in quo necandum se veneno didicit ex Con-
fessione, modò præter Pœnitentem nemo ad-
vertere possit id fieri ex usu notitiæ per Con-
fessionem partæ: quia hoc non potest ullum
gravamen afferre Pœnitenti, nec reddere Sa-
cramentum odiosum, nec revelare Confessio-
nem. Secùs, si alter inde colligat Pœniten-

tem ista declarasse, ac idèò ei succenseat, & noceat.

Resp. V. Confessor cum licentia expressa Pœnitentis debet uti notitiâ peccati complicis vel alterius ex sola Confessione parta, quando necesse est ad impediendum grave damnum spirituale, vel etiam temporale injustum pœnitentis, vel ipsius complicis, vel aliorum, ita ut nequeat impediri, nisi Confessarius moneat prudenter ipsum reum, vel Superiorem tanquam Patrem: nam tunc nec violatur Sigillum, nec fit injuria complici; & tenemur ex charitate impedire malum proximi, cum sine peccato & gravi incommodo possimus. Sed tunc Confessor hortetur pœnitentem, ut extra Confessionem alienum peccatum ei aperiat, ut tanto liberiùs peccati notitiâ uti possit, & dicere correpto se illud extra Sacramentum accepisse, ne illude ei odiosum fiat.

Porrò ne Confessor facile pœnitenti alios accusanti, præsertim fæminæ credat, nec onus monendi in se suscipiat sine necessitate; nam sæpè vel ex malitia, vel ex errore innocentibus accusantur.

Q. 6. Quid respondere debet Confessor, dum interrogatur de cognitis in Confessione?

Resp. I. Confessor de his interrogatus etiam à Judice, debet secundùm aliquos dicere questionem esse injustam & sacrilegam, ad quam nefas sit respondere. Sed quia id plerumque non sufficit ad tollendam omnem suspicitionem,